

Platt partu:

Plattpartu Rundbreef 2024-09

De Pazifist

Wenn to'n Marscheern de Trummel biddt,
denn gah ik bloots in'n Bummeltritt.
Weet nich, wat ik mit Wapen schull,
wenn'n jemaals Freden schapen wull.

De Realist

Wenn du Spioons un Wanzen düllt,
na Putins Piepen danzen wüllt –
maak't Arsenal to'n Döden blank!
Herr Putin seggt solk Blöden Dank.

De Pazifist

Dat is förwohr en Ding to'n Bröden,
man nixnich, wat mi bringt to'n Döden!

Moinmoin, leve plattdüütsche Maten un Frünnen!

Tja, dor heff ik, vun Schüddelriemels andreven, rein ut Versehn en heel vigeliensch Thema tofaat kregen! Noog dorvun! – Ik hööp, Se harrn en wunnerschönen Augustmaand vull [Sünnenrosen](#), [Olympiakieken](#) (op't best [Streamen](#)) un [wohlbegründte Fuulheit](#). Wenn ok bi de Aarn – as in [een Limerick vun Ludgerd Lüske](#) – nich jümmer allens slumpt, is doch de Aarnmaand de echte Maand, [den Goorn un de vullendte Natuur to geneten](#). Ok uns [Natuurnotizbook](#) is vull vun lütte Deerten, wiet-reiste Planten un Goornfreud. Wi hebbt den Maand genaten mit en entspannten Mengels vun [Nostalgie](#), [Heimatleev](#) un [Fantasien över antike Texte](#). De [Kinnermärken](#) folgt nu [en Landstraat](#); un de [Maand schient op de Däken...](#) In ehr lütte Sommerreeg radelt Meike Balzer-Fraun [dör Bremen un Neddersassen](#), un ok Addi Kahl sett sien Sommerreeg över [Propst Kieckbusch mit niege Anekdoten](#) foort. Un wi hebbt sogor noch en niege Reeg dortokregen: Berthold Cordes belücht ünner dat Motto "Dat warrt seggt..." Kuriosa ut de Deertenwelt. [Leesfähige Fleddermüüs](#), [kosmetik-künnige Störk](#) un de villicht [düürste Substanz vun'e Welt](#) hett he al op't Koorn nahmen. In lose Folg sett he dat foort. – Nadem dat ik mi annerletzt över de Ebbe op't Natuur-Flack besweert heff, is wedder bannig veel los! Wunnerschöön! Dank an alle Mitmakers.

Ja, un denn is de gewaltsame Welt doch noch in de Sommerseligkeit inbraken – in de grulige [sexuelle Gewalt in Indien](#) un opletzt ok in de Messengewalt in Düütschland. Behrend Böckmann wiest op hen, dat nich bloots Irre, sünnern [ok Nassauers Düütschland gern opsöökt](#); un ik fraag na en [starke Reakschoon vun de Muslime](#). Verbunnen mit düt Geschehn sünd de [Wahlen in Oostdüütschland](#). **Den** Salaat hebbt wi hüüt al, avers dat is nich mehr dat Thema vun'n Aarnmaand.

Nu folgt de Harvstmaand mit den Ollwieversommer, un wi hööpt, dat dat so schön blifft. Bliedt Se sund! Wi leest uns wedder in'n Oktobermaand!

Nu de Linkliste. Op de Links bruukt Se bloots klicken, dat Se henkaamt.

Plattdüütsch Künst:

[Limericks för August](#) van Ludgerd Lüske (23.8.)
[Enkidu](#). Vun Adeline Erika Decker, Fotos Secil Yusun (12.8.)
[Notizen ut'n Hornung](#). Fotos un Verse vun Marlou Lessing (10.8.)
[Sünnenrosen](#). Vun Behrend Böckmann (3.8.)

De Welt un Gott:

[Swienkrääm, Rökerääm un dode Höhner](#). Vertellen vun Klaus-Dieter Tüxen (25.8.)
[Vergnööte Karkenvertellers: Erinnern an Propst Wilhelm Kieckbusch: Leve Gott, woans kunn dat passeern?](#) Vun Inge Müller un Addi Kahl (18.8.)
[Twee Utlänners to Huus](#). Vun Berthold Cordes (4.8.)
[Mien Goorn](#). Vun Hein Klüssendörp (4.8.)

In't [Lütte Gebeedbauk](#):

[Een Week dorna](#). Vun Marlou Lessing (31.8.)

Natuur un Wetenschap:

[Dat ward seggt: Een Glas Honnig is 27.000 Mark wert](#). Vun Berthold Cordes (28.8.)
[Radtouren as in twee Welten: In Bremen un Neddersassen](#). Vun Meike Balzer-Fraun (23.8.)
[Dat ward seggt: Störk stellt en Sünnensaalv her](#). Vun Berthold Cordes (22.8.)
[Dat ward seggt: Fleddermüüs sünd de eenzigen Söögdeerten, de flegen köönt](#). Vun Berthold Cordes (18.8.)
[Wörmkрут](#). Vun Behrend Böckmann (10.8.)

In't [aktuelle Natuur-Notizbook](#):

[Gröten ut den Goorn](#). Vun Thomas Seemann (30.8.)
[Null Bock? Nee!](#) Vun Marlou Lessing (25.8.)
[Vun't In- un Utwannern](#). Vun Meike Balzer-Fraun (22.8.)
[Lütte Borussia-Fan?](#) Vun Marlou Lessing (12.8.)
[Boddervagel](#). Vun Behrend Böckmann (10.8.)

Wat in de Welt vörgeiht:

Wat is dat in Düütschland schön... Vun Behrend Böckmann (28.8.)

Dat Recht up Fulheit. Vun Behrend Böckmann (17.8.)

Olympia-Tratsch. Vun Behrend Böckmann (10.8.)

In't plattdüütsche Notizbook vun Marlou Lessing:

Demokratie verdeffendeern! (30.8.)

Incredible India (17.8.)

Op de Jagd na Düütsche (3.8.)

För Kinner:

De Landstrååt, Deel 1: Vun de Bargaen bit nå'n Fluss. Märken vun Sophie Reinheimer, överdragen vun Klaus-Dieter Tüxen (25.8.)

Modder Sünn ehr Kinner: De Mååndschiën. Märken vun Sophie Reinheimer, överdragen vun Klaus-Dieter Tüxen (25.8.)

Hartlich grööt

Marlou Lessing un dat lütte Plattpartu-Team